

E' PAESE 'E MARE

(ode dialettale, dedicata a Cetara)

oooOooo

Custiera Amalfitana, che bellezza!

Addò 'a marina sposa ll'acqua chiara

Paese ricco 'e còre, sì, **Cetara**

E 'a gente ca è felice 'e ce campà'!

'Addóre 'e mare 'a siente 'mmiez' a'via,

lasce 'nu vico, e già ne truóve 'n'ato,

e chi c'è già venuto p''ò passato,

nun vére ll'ora, po', 'e ce turnà'!

E' patrimonio, sì, d''e piscature:

da padre in figlio passa 'stu mestiere

Ce tuorne a ffà' chello ca hê fatt'ajére

E' 'o còre ca t''o ddice, e tu ll'hê 'a fa!

'O sole vène, e scarfa d''a matina,

'a luce ca se 'nfilà dint''e ccase

Ovèro è 'nu tesoro ogni cosa,

ca pe' **Cetara** è segno 'e qualità!

‘Na strada a serpentina (mille curve)
ca saglie e scenne, sempe alleramente,
‘ncanta ‘e furastiere puntualmente,
e ‘n’ata comm’a cchesta nun ce sta!

‘A Torre, prestigioso monumento,
sta llà, e pare proprio misa apposta
pe’ ddi “lo sto a ddifesa ‘e tutt’’a Costa,
e, semp’’a mare vène ‘a civiltà”!

Po’ se fa sera, è grandezza ‘e Dio:
‘o ssanno tutti ca cummanna ‘o mare
‘A poesia ‘a scrivono ‘è llampare,
tu nun te stanche maje d’’e guardà’!

Pe’ Prutettore, ‘o meglio piscatore:
San Pietro benedice pisce e rezza
P’’a gente ‘e ‘stu paese è ‘na ricchezza
Ca s’’a difende, e nun s’’a fa scappà’!

‘A pesca pe’ **Cetara** è font’’e vita:
‘alici so’ tesoro d’’a natura
Siente che addóre caccia ‘a colatura,
Ca ‘o spaghetti fa valorizzà!

,

Nun sulo 'o mare tène 'stu paese,
ce stanno Artisti che hanno scritto 'a storia:
'e Costajoli stann''int''a memoria,
cu' **Nicoletti**, stile e qualità!

Chi nasce Cetarese è furtunato:
'a classe sta stampata dint''e vvéne
E d''a Custiera se ne vede bene,
e nun s''a scorda, pé ll'eternità!!!

Scala, 23 aprile 2024

Enzo Del Pizzo